



## KERATAN AKHBAR

SURAT KHABAR	:	HARIAN METRO			
TARIKH	:	20/8/2018	MUKA SURAT	:	66
JABATAN	:	PERHILITAN			
KLASIFIKASI	:	<b>PERHATIAN</b>			

### ■ Burung enggang gunung teman setia selepas kematian suami

Nazirul Roselan  
cnews@nstp.com.my

#### Jerantut

**K**ematian suami pada awal tahun lalu akibat demam panas menyebabkan wanita Orang Asli dari suku Batek Negrito bukan saja kehilangan tempat bergantung, tetapi teman setia.

Namun sejak tiga bulan lalu, kehidupan Umi, 37, yang menetap di pinggir hutan Taman Negara Kuala Tahan, dekat sini, berubah apabila diberi seekor burung enggang gunung oleh abang saudaranya.

Umi berkata, burung diberi nama To'ek itu ditemui abang saudaranya ketika memburu dan ia dipercayai



UMI bersama burung kesayangannya, To'ek.

## To'ek tersayang

terjatuh dari sarang.

"To'ek menjadi teman setia, saya dapat ia ketika masih kecil dan belum ada bulu. Saya jaga dan ia makan apa yang saya makan," katanya.

Enggang gunung atau *wreathed hornbill* adalah antara spesies enggang yang ada di hutan hujan tropika dan sukar ditemui kerana lazimnya terbang pada ketinggian

1,830 meter daripada paras laut.

Ia juga antara spesies hidupan liar dilindungi Jabatan Perlindungan Hidupan Liar dan Taman Negara (PERHILITAN).

Umi berkata, kini 'anak angkatnya' itu dibiarkan terbang bebas selepas ia mula pandai terbang dan pulang apabila lapar.

"Saya biar ia terbang ke mana saja, kalau lapar To'ek balik ke rumah dan mengeluarkan bunyi (tanda lapar). Saya bagi makan nasi atau pisang.

"Biarlah ia hendak masuk hutan bila sudah besar, rumahnya pun di sana. Saya jaga sebab dia kecil, kalau tidak beri makan lapar pula nanti," katanya.